

皇清文穎續編

皇清文穎續編卷六十八

詩

五言古詩

恭和

御製荊州元韻

戴衢亨

荊州古南維江水溯東至建旆瀉千里保障夙有事
雄鎮屹嵬峨下游仰控制昔人重防墉不與水爭地
比聞沙勢侵坐使湍流遂金隄偶潰決蔀屋失塗墍

權施筏木工亦作檣巢計重坎不可居數椽安足寄
乘城濟厥顛發粟賑所匱綢繆未雨先守土得無愧
聖人渙德音不忍重民累蕩析軫窮黎撫綏勅大吏
但期奏一勞不惜糜鉅費重臣董役往

詔旨頒次第方今寰宇安五者慶來備酉年足酒漿
占曰大有歲偏隅乍失所積潦曷由蕆攜持保抱懷
悉賴

天子使豫籌築石堅俾免臨淵惴民隱獲上通

聖朝無忌諱西風楚國秋

宸篇五言志

恭和

御製清溪遠流六韻元韻

戴衢亨

溪流故多態榜額尋

前題灣環瀉鏗爾縐縠來薰兮旣清亦以遠洲渚從
高低波心紫荇橫石齒蒼苔齊一滴大海水足喻閭
浮提目謀更耳謀此中有天倪

恭和

御製雨元韻

董誥

一從沛甘霖禾黍淳然起入伏甫三朝燒薙正行水
五日雨繼霑農諺祥占擬豐隆雜喧亟頓令煩歆洗
有年

昊佑優時若

天顏喜遠邇不泄忘

祝彼慶同此廣川甬津間飛郵

問也邈何意耕鑿私盡入

課量裏痾瘵胞與懷真不隔一尺

恭和

御製曉涼元韻

董誥

塞山地爽塏侵曉生微涼赤日亭午炎燭調仍有常
今歲夏通閏百廿日增長風來林樾清

黼座披襟當歲功驗涼燠稽事

厯農莊

聖

聖本同揆

心法昭重光洵矣爲君難

毫念著彝章劭民不遑暇求衣夜未央

恭和

御製出麗正門觀稼閱隄之作元韻 董誥

宸衷厯懷保初不拘定例大田迨西成

巡省無非事神皋晴雨佳汜勝占上瑞節惟大暑過

宿柳月建未高原下隰間鋪茶穎栗穗

健行御玉驄循

覽嘉邕遂卽康功田功無逸仰

光被大哉體乾德美利不言利武列漲潦退尺寸痕
可計銀米倍

恩賚得者胥忘失虹隄

命加高將作估差第居行兩攸賴保障靡弗暨百年
富烟井四方大和會祇期萬姓恬何靳九府費誅蕩

闐闐開忭舞仰

德意

恭和

恩賞

臣珪

御筆書扇甲寅季夏題秀起堂一律元韻

朱珪

臨流聖喟然拈花佛莞爾是實無危言非空有妙旨

山靈環貢秀

心鏡印精理東坡物外遊言詩商可起

揮扇來薰風木樨香到此

恭和

御製省刑疊去歲癸丑韻元韻

施朝翰

德音協時令每歲傳省刑陰陽豈愆伏寬大昭裁成
惟茲夏秋交溽暑餘炎蒸

九重矜岸獄旬日籌陰晴俯仰消息通斯理無虧盈
綸言下西曹敷澤宣幽情守土俾所司分析科條呈

以次減且宥書牘慎屏營

寶翰召甘澍載廣占元亨

恭和

御製卽事元韻

翁方綱

帝咨小民依日切課雨晴至哉

宵旰心宛繪三農耕重以

調劑術遠近相環縈溯惟殷南訛迨此秩酉成籌厥

戶有蓄俾之安無傾時

誠諸臺吏聿謀百室盈

恩綸遍推浹敷布無留停各凜宣

德意恪矢自庶卿以暨羣有司莫敢弗殫誠入政諏
隴畝六計弊廉能協氣日以舒康功報以羸美利利
所濟浩蕩無能仁卽覘二秋實共慶萬寶登胥於
帝念茲益矢單序增敬釋

堯文煥字字茅層情

恭和

御製卽事元韻

金士松

季夏足時雨新秋旋放晴農歡遠近洽壤沃高低耕
豈知一隅沴上塵

聖恩綦畿南與齊北偶報偏災成洪流始固關下游
遞注傾

詔發千萬帑先使金粟盈直將正賦蠲詎止催科停
蠶臣膺重寄借耆籌孤卿下逮百職事率屬殫精誠
稍慰

盱眙念在各奏爾能

批答切交做激勸

恩逾羸晉秩或敘復責實仍循名只今秋氣爽何啻
春臺登民還廬宇舊工効版築增三復

卽事篇謙冲仰

皇情

恭和

御製卽事元韻

董誥

箕疇徵肅父汜勝占雨晴古聖重康功劭農首在耕
民瘼

帝心繫夙夜暘雨縈始自播種日聿至萬寶成夏霖
今偶過往往盆盎傾支川遂漲溢窪地致潦盈先事
勅蠲吏賑賚無少停發帑兼截漕

申命司農卿

皇仁如父母保赤求以誠疏導務阜涸
諭各秦爾能下歉高尙豐依然四鬴贏

惠孚有勿問感極無能名德棣滄景間不失春臺登
京畿接上塞倉庾尤倍增後樂本先憂卽事紓

睿情

恭和

御製曉行元韻

譚尚忠

羅羅星影稀習習天籟爽悠悠

雲罕飛皎皎日華朗

皇情一以愜清氣溢羣象居然陂塘秋五月忽如曩

笑彼山客眠風景那分享

恭和

御製曉行元韻

董誥

北行指檀州

翠華凌昧爽
擘絮雲徐歸
流珠露方朗
炊烟漾熹微
罨畫入想象
扇暍

聖人心風詩異疇
曩未午衆解鞍
樂比登臺享

恭和

御製雨元韻

董誥

塞田未坼兆亦望好雨來炎官布熏燠清風殷衆懷
舶趲乍燦發四山礮奔雷靈籙挾元冥有意新

詩催檐牙旣奔湊河角連津涯中宵雨脚斂破曉烟
巒排原隰禾淳興降福誠孔皆不遺濕行滕旅人歡
尤諧由來

聖得

天休徵協康哉旣驗時雨若更快時晴佳

恭和

御製西峪元韻

董誥

邃谷徑轉西塵壺迴不到長松蔭綠毯清勝山陰道
得食鹿攸伏喚雨鳩先報霖霑四寸優豐定萬寶告
生意藹芊芊天機呈浩浩

問景遲五朝總緣

厘政要佇奏縛渠魁楚民欣再造福地洽

豫遊爽風解煩躁山靈俟

玉輿佳境肅前導

恭和

御製澄觀齋有會元韻

董誥

乾坤判動靜大生與廣生主靜立人極體用因以明
大觀

示易蘊中正天下貞萬理燭外觀一源濬內澄觀我
聖功備觀民

大化成旨哉中庸訓誠明明則誠庶政

坐照理先覺非億迎名齋

聖契

聖三言同粹精

恭和

御製勒保奏官兵攻克老木園賊巢斬梟首逆陳崇
德詩以誌慰元韻

紀昀

荏苒偶嘯聚負固今經年一朝抵厥隙再礪攻其堅
百尺竿更進九曲珠巧仰藉

軒皇畧不畏蜀道艱
冒然靈夔吼倏爾鰲
弧先各乘一鼓氣飛
上千仞巔窮猿勢莫
遁封狼首已懸雲羅
遮之密雷金礮其全
焚巢一已燼覆卵焉
能完露布羽檄遞棧
閣星郵遊士皆荷

榮寵將亦蒙

矜憐勗哉虎貔士應
感

天地寬弩力掃餘孽
湯滌知無難

乾隆己亥五月奉

命典試福建時

皇上在上書房作詩寵行謹次元韻 朱珪

詔節下金閨客心馳使牡徘徊戀

講帷箴獻慙蒙叟三年侍听夕半載違

左右寵我驪駒篇勤勤感執手此行雖不遠南望指

牛斗回首金枝雲真意承筐厚溯洄隔江河迢遞踰

嶺阜御園庚火流閩海炎風久叢桂舉幽芳木蘭賦

孔有行園蹴塞冰還槎拂隄柳屈指相見期應及早

梅後養心和六六納善先九九修途勉就將漸進戒
卻走雞鳴開氣志麟趾蕃郊藪升高自有基集虛良
無負嘉貺何能酬微誠聊用剖

謹次

皇上在書房時冬夜展翰寄懷元韻 朱珪

明月下千川不隔江之永素心共千里昕宵必三省
恭惟

齋个清斗轉天機靜詩情觸遠緒泉汲金井綆微斯

芻蕘言亦入

聰聽領愚誠詎暄獻誤書類燭秉春隨四序升氣和
萬彙幸威儀詩戒懿興居書慎罔百言重百朋璨若
璣禾穎何以致中孚鳴和喻鶴警

謹次

皇上在書房時寄懷三首元韻

朱珪

取善納壤流論功次梓匠天風吹鸞音千里素心暢
鹿鳴喻周行虎門觀德尙下濟旣勞謙上達方大壯

別來忽三秋引商送高唱鴻書賁南達斗蓋惟北仰
圓月渡銀河翹首當宵望朗然心鏡同明聰超婁曠
原泉進盈科行潦亦挹注養深貴有本實勝乃流響
憶初奉光華歲月一何遽中間使浙閩皇華感征路
十年侍經帷下問勤禮遇俄承皖疆命飲水惕齋罍
積書懷已盈望遠思難駐何以助高明日新在昕曙
月露遠懷人暘雨勞問歲誰云別離久不吝金玉惠
南箕北有畢雖遠光相逮寥空碧天高夢繞飛雲在

肫仁篤本根藹吉流餘愛秋實映楓林黃髮思老輩
粹然天瑜溫不厭他山淬勉茲報瓊投詎敢效忠誨

恭和

御製清溪遠流有會元韻

玉麟

流水有原本泥沙不能淤詎同時雨集或等過情譽
清溪在

天上望之徒企予就下屈曲注濫觴溯其初盈科混
混進活潑無停滯托地旣高潔汙濁自易除

奎文闡道體

聖皇淵泉如懷清廟臣節不染心常舒

恭和

御製碧靜堂元韻

彭元瑞

靜者山性情碧者山形跡既得靜者機無嵐亦成碧
碧深境逾靜二理無罅隙豈以太古山而有飛來石
巖深邏紫翠風定知松柏妙蘊具

天心繹窺願避席

恭和

御製碧靜堂元韻

萬承風

大化無形聲原難求以跡

至人寄靜懷靈臺湛空碧

勅命惟時幾來遊珍餘隙淵然

仁者心非爲耽水石青青砌下松磊磊巖前柏綠影

侵庭階小住

撫吟席

恭和

御製碧靜堂元韻

英和

不聞人語譁但見苔蘚跡野綠邇可延遠乃混天碧
惜陰刻未遑時數窗中隙偶然事巡檐隨意手撫石
娛心惟妙香悅目有古柏佳境豈留連

披章又前席

恭和

御製養性齋元韻

朱珪

仁見天地心睿通堯舜性養之而無害顧諟而提命
一誠貫上下五夜先祇敬明辨義利闕洞矚蒼黎病
王道示周行保赤惻入穽由近達四遠環覩咸仰
聖惟動丕應志萬象納心鏡存存以安安養民敷德

政

恭和

御製四宜居晚坐元韻

文寧

肄武

躬習勤四宜表瓊屋獵騎返峻崖

帳殿開廣陸日夕山氣蒼萬幕環星宿中央拱

辰居列衛警藩服

典常疊率由

慈惠渥霑沐詰朝啟和門獮田秋正肅

恭和

御製曉行尋園卽景元韻

文寧

晨光動期門霜風揭

星罌崖凌秋氣高谷轉曦暉暖呼圍聲漸合列鏃周
陸滿矯捷鷹脫韝悽遽鹿奔幢羽騎皆挽強獵場徐
就坦

命中發神機

武功欽

載纘

恭和

御製停獮紀事元韻

英和

弓矢重我

朝拜武誠良具志正體復直操持要審固八旗衆臣
僕爭先是爲務傳之子若孫習尙本有素當秋小試
之飛走事搜捕非以好遊畋煌煌見

聖諭吾

皇勤習勞遠履

上蘭路壬秋獮典行

微臣荷

殊遇中權叨侍獵熊洗儒生故縱馬登高岡從禽繞

深樹所領前鋒軍勇往無勞募獲鹿獻

君前

賜黃被異數文臣拜此

恩感極尤增懼惟冀策驚駘重來矢精驚豈料匠入
山取材失法度逐圖施斧斤星羅與碁布羣友爲驚
逃空餘水草慕司事謀不臧豈得僅曰誤

示懲禁採樵虞人各知怖蕃衍期來年載頌車攻句

恭和

御製遊戒臺由香界寺山下遂駐蹕靜宜園元韻

戴衢亨

岫雲闕伽藍洞天敞福地

駐輦探幽遐信宿賞竒邃平明涉山椒合沓涌嵐翠
危崖厯千盤窄徑容一騎勝地歸層臺春風拂柔轡
戒壇妙觀空塵想空萬累上界聞妙香朝爽足佳致
煙深泉覺喧樹老石如寄

茂對愜熙恬登封陋符瑞昔聞九老蹤徧厯香山寺

爲依

壽宇宏頓覺仙巖異靜於太古宜氣得四時備林花
拂行羈山鳥逐

宸蹕穆如扇淳風允矣覘

邳治

恭和

御製遊戒臺由香界寺山下遂駐蹕靜宜園元韻

趙秉冲

古德飛錫初闢此布金地丹嶂聳崑崙蒼巖剝幽邃
緣壁紫邏遙篆石繡苔翠紆逕如旋螺折坂迴遊騎
蹀躞蹴霜蹄兢兢敢縱轡絕頂嵌珠宮遺世捐塵累
時花發新妍老樹饒古致

春巡片刻停

真諦遙情寄作禮滿月容佛日輝騰瑞迤邐轉翠華
指點隔山寺試叅去住因非同本無異
詩禪笑爲拈一指珠林備當前蓮萼迎

靜宜迓

宸蹕

調御仰

世尊十地圖通治

恭和

御製雲居寺瞻禮二十韻元韻

戴衢亨

黃圖壯花宮丹梯謹魚籥林泉抱縈迴山石行岝嶸

僧寮據層巔

御騎轉叢薄緬維化人居經始隋代作布地檀施宏
說法雨花落人天護經函龍象擁佛閣文字勞鉤摹
幽險絕縋鑿風旛閱刹塵局鐫守巖壑森羅羣玉峯
貫徹寶珠珞一乘喻潮音萬法了電爚

軒皇駐雲岑

寶墨垂露萼偉茲締構崇詎止吟眺博

至人續心燈妙諦指匡畧要憑象教慈悉化波旬惡
蚩愚憫衆生林總遊極樂卽今

春蹕巡豫飭烝徒約陽和徧吹噓絲粒謀喫著乃知
湛澤塲不異醍醐酌

宸篇冠霄端新碣蟠石腳云何見如來色相本沖漠

恭和

御製雲居寺瞻禮二十韻元韻

趙秉冲

法界開愬題仙局探秘籥精藍結構奇飛磴入叢峩
肅肅天風長冉冉春雲薄天龍噴雲泉衆響泠然作
妙具八德功晴雨橫空落下界聞鐘聲峭壁聳琳閣

訝此人天緣幽險孰縋鑿分來小鷲峯忽住古雲壑
相好魏堂堂中胷寶珠琅琉璃無盡燈智火一星爚
斗絕石經巖別峙芙蓉萼大乘琬公鐫爰稽志乘博
顯晦或有時聞見綜詳畧頂禮道俗偕迴向亦不惡
帝釋昔駕臨曾此

御極樂

寶翰賁花宮然諾金仙約重邀

慧日光

法偈宣無著言言甘露含香林飽斟酌

翠墨蟠螭頭貞珉勒蛟脚億年鎮靈區大雄護冥漠

恭和

御製坐霄漢自警元韻

周系英

邴治隆帝媯愠解財旣阜

虔輦勵肝宵延攬窮澤敷日新銘湯盤雲瞻協堯牖
居高意彌下

心傳信無負揚子昔有言聖人原不手欽茲

兢業懷可大亦可久

奉

命祭卞忠貞公祠祀畢步至墓下觀顏平原所書碑

恭紀

錢陳羣

典午崇清談流禍及家國忠貞豎論閎朝野爲動色
辭職讓蔡謨付議廢王式元規倉卒謀無乃太迫逼
於邑示溫生情致何懇惻內外旣戒嚴大桁督軍實
良馬豈所須西陵危頃刻忠孝全二門哀此百夫特我

皇肅巡典祀事亦孔飭扈從來秣陵道指治城北瞻
拜秉笏人凜凜餘正直從祀有二子緩容侍親側遠
裔三五輩導我臨兆域戢戢樹顏碑片石垂楷則精
魄自相感此理如羽翼世傳兩公屍拳手土不蝕逸
事未暇論我茲好懿德

崇明海隄告竣紀事

錢陳羣

谷王雄東南於廓天地窻鎖鑰束巖邑桑田重遠徼
所貴海諸侯清勤察生耗我

皇厪民莫睿慮靡不照河渠與海防周諮必親到大
吏敬敷宣水靈各順効宗川沃壤區環混江海澳井
絡高建旣萬馬放騰進歸墟互吞吐潮漲日奔激彈
丸峙羅星沆泝拒樞要鯨呿鼉擲餘往往困陵暴及
今凡五遷安瀾纔稍稍

仁風噓巨壑重譯通舶趲洩湫外拍天妥帖內藏奧
吉貝蒸雲霞風沙連井竈邇聞大令賢愛民如杜名
沙澈悉究心溝洫早輸漕捍禦衆成城豈弟神所勞

長虹亘濛瀼天吳靖戾拘海壖十萬戶衽席安不掉
耕鑿樂阜康飽暖全咏拖祈蠶沙戶歌踏浪漁兒笑
帝力知識忘但覺恩波浩作詩紀其事聊用傳海嶠
讀朱竹垞經義考

注由敦

經學肇洙泗儒先遞傳薪微言慮垂絕著述代有人
訓詁索繁賾名理研精純專門各屹屹立說胥斷斷
修綆汲重淵棼絲理垂緡先後迭推闡墜緒賴弗湮
鑿空縱逞臆聚訟或沸屑但能恣紬繹舉足資引伸

譬彼嚙三五仰繼曦御輪天官甘石家指掌羅穹昊
又如涓涓流亦放大海濬桑經與酈注覲縷窮坤垠
嗚呼去古遠簡帙多就淪旣覆蝕餒鹵閣束封壁塵
刊編與齧紙冊罕什一存後生曰孤陋奚由識前民
卓哉竹垞翁蒐輯何精勤訂殘剔蝸蠹訪逸披荆榛
北遊攜封駝南浮壓輕舫塵尾折五鹿蠅頭禿千籤
韋編年及暮篝火夜向晨薈萃成一書

御製冠羣倫序自漢以下百家悉臚陳旁羅極絃緯

證索探翠珉師承著譜系僭擬斥煇燐歐陽輪館目
曹氏陋石因載記雖筌蹄稽典必是尊書成侵其半
全璧乃足珍誰與爲表彰歧途得梁津使君起東海
譽重井大春殷懷惠來學頓使卷帙新昔漁洋山薑
傳刻高等身至今數尊宿岱嶧同嶙峋君爲鄉後進
風雅意夙親護持到經術用志尤篤淳坐令不朽業
畢願待以申蕭齋一開函牙籤增炳麟嘗言莫爲後
欲傳苦無因大雅樹宏達闡揚交有神行見畚經徒

屹屹奉陶甄

遊寶華山五十韻

英廉

我亦淡蕩人賦性愛邱壑一行走河干泥土困暑趕
平生耽幽意雙眸無處著竭來渡江水痼疾今復作
慙慙江南山玉立青如削喜極狂態發仰面時一噓
輿人說寶華是中猶不惡指點天邊峯未至意先樂
逢山或空返詎能鑄此錯秋風古秦淮粗了相尋約
盪輿犯清曉東出秣陵郭拂面數峯高蒼寒溢寥廓

誰將千丈繩張此青油幕逶迤半日程稍稍近磊砢
陂陀間卑亢溪澗通畧約夾以松杉林蒼陰晝漠漠
人生足筋力寧惜資盤礴蠟屐久負汝初歡試前腳
青壁陟漸深幽蹊垂若索攀援雜藤荔屈曲效蚓蝓
回顧後人笠方接前行屨仰瞻境益窘俯覩心屢愕
初若躡危梯已前仍欲卻旣如食諫果將吐復還嚼
絕頂快一登身心兩綽綽臨風坐孤亭懷抱忽開拓
舉首天宇寬四圍空青落陋哉彼江流挹之不忍斂

區區白下城孤烟颺叢薄眼底數飛鴻慮爲曉晴格
鐘魚何處來半榻欣有託石磴鮮履綦林深有復籜
渡水到松門周迴萬峯絡團團青蓮花於中置梵閣
紺園兼碧殿參差眩丹牕旣疑五丁擘亦訝巨靈鑿
剗制勞經營布金欽討度老僧道氣深矯矯清勝鶴
一笑下堦迎五年歎如昨留客具盤餐野飯薦藜藿
禪房繁秋花鼻觀香或掠疎竹靜且修風枝故舂嫻
無勞問身世淨業暫商畧清唄放晚參儋牙喧歸雀

神寂倚山樓孤月上峯粵衆山一何靜萬彙相淡泊
嗟余嗜名山意本契寂寞眷茲世外賞悔彼塵網縛
曾當師向平草草畢酬酢結社就遠公往來芙蓉萼

樂賢堂夏日卽景

德保

有堂甫三間俯仰足樂只入室鮮玩奇插架惟經史
庭前竹幾竿庭後植桃李雜卉種滿階含露意偏喜
樂趣慕濠梁盆沼魚千里退直珍餘閒兀坐百城裏
開卷偶有得書記赫蹠紙地靜杳無塵鳥聲清入耳

有酒且獨傾量適三蕉止客至亦欣然並坐談移晷
人言夏日長我契惜陰理常愁過隙駒去去何時已
好雨忽東來倚戶看雲起

過滇陽峽

德保

兩峽束奔流飛濤下層嶺水石相擊撞滔天勢更猛
漫言一葦杭飄忽逐蓬梗逆上如登山百丈挽修綆
篙櫓交相持欹側愁俄頃坐看下水舟迅若驚鴻影
平生履坦途妄念不敢逞到此切戰兢臨深試三省

題劉石庵冢宰槎河山莊圖

德保

岱宗亘齊魯滄海鬱東注嶽脈驅遊龍鞭石有餘怒
奔馬數百羣騰蹕入海去且行或且峙一一竒秀露
其中九仙山乃在洞天數榮成與五蓮頷頰相撐拄
玉室金爲堂絳節六朝駐椿櫨飽山蔭雞犬辨遙渡
勝地槎河莊族姓百千布東望凌蒼茫空翠接跬步
西顧矗萬笏森森媚雲樹犖确緣坡陀草堂留孺慕
千載錦秋亭文正讀書處祖德培經華金甌榮玉箸

接武今冢宰韋平起朝譽青箱發古馨橫陳得繪素
六法肖天機平遠入神趣柿葉戰秋風依稀釣遊具
我昔臨東瀛郵程羈官務山從馳驛看勝境遊多誤
至今廿載餘夢遶青齊路當筵展畫圖恍疑昔所遇
新從王濟叔索詠山濤署所欣見未見心開榮驥附
幸挹荀令香揆席贊指顧雅量山海欽令名介繁祚
瑯琊畫錦堂三槐列桂栢想像此山中松篁協韶護

瓜步

夢麟

渚禽喧蘆洲遙汀曠清曙就枕猶燕城夢想忽瓜步
白霧靜空江殘星墮寒戍孤島明浮嵐霜鐘斷晨渡
日上京口雲月落廣陵樹平生眷遐曠卽事感良晤
扁舟聊泝洄江山自朝暮不見昔遊人暫向煙中住

登泰山詩一百韻

朱珪

岱爲嶽之宗仰止心所嚮使聞此經過偕友愜賡唱
策馬出北門遙青疊高嶂憩麓易山輿階升初用壯
橫肩脩左右猱捷絕牽徬盤道篩土覆龍媒引

天仗積雷所衝齧缺齧或礙妨斗宮暫徘徊聽泉清
輻嘗水簾噴珠綃縷絡曳滉瀟遂躋壺天閣超然凌
蓬閣天關蠶迴馬不待九虎抗連連十二盤呀喘喝
且煬息肩慰輿人聚足賴筇杖直闖第二門霄半得
泉開役夫爭噏嚼笑乏青精餉踰此翻迤邐屈折迷
背向脈轉羊腸夷峽度龍脊益裕訝瞰石丁漱滴沁
肝臟嵌窰伏而起有坪曰御帳銀漢倒淙淙太白浩
沆碣佇立棧閣間洗耳胷已盪咄哉五大夫非秦亦

輩行暴能赭君湘名恐誤博浪何方時飛來風怒根
可颺朝陽洞闕血呼吸谷神旺其北對松山鱗甲萬
蚪張九鈞奏琴祝鸞翠舞匳桁龍門何豁開口吐千
里漲仰攀十八盤萬仞壘敦菴跟頂相乘承蹭蹬一
夫當霄然狝天門凌兢御風愴指點日月觀已出恒
星上左達徑天衢榆列喜平曠握衣趨靈宮元君世
崇尙或云古玉女道成超無量或云坤爲母富媪倪
天伉我疑岱天孫雲車肅臨況更上謁嶽祠升中誰

所剏七十二代君於此奠主塲其陰磨崖銘雷硨斫
大匠典則燕許筆嚼匾體跌錫宋賊苦模糊天書實
欺誑煌煌我

列聖照曜萬禩仰雄辭高峒嶮盛禮秩柴望何用誇
鵜鰈四極闢輪廣右款青帝宮像設窈窕狀東方靈
威尊太皞木德王如何名實舛九蓮移供養再上玉
皇峯俯視萬屏障手摩無字碣屹立誰敢傍李斯篆
已焚漢武石或諒殿前岱頂髻突兀睇真相蓮花開

蕊瓣凹處甘露釀一勾舌本清泥丸吸漚沆東南望
滄海杯水瀉容漾西下禮

先師匹練瞭軋塊躋哉小天下壤土畚不讓復登禮
斗壇長空想梵放諸峯一環眺欲蠟屐幾繙洞天與
福地疇能罄寶藏西南得面勢已扼青鳳吭泮汶交
如帶東滙西流羨云亭近師師衡華遠將將豈惟齊
魯青自覺垓塹暢山蔬鬻金鉞真味却嚮醬餘興探
險奇捫蘿勇一迂倒景正瞳矐翔乙交頡頏誰輓飛

仙橋嵌空造虛舫縈縈一縷雲幻出泝泝統團團蘆
蔔香不比青草瘴燎竹穿氤氲逸氣猶倜儻齋个一
燈明擁衣夢靈貺忽驚大塊噫颼輪掀萬兩雷電移
龍湫滂沱裂天創傾瓢滴青驄下界愁隄防浴嗽闕
壯觀待旦增怊悵雨息尙淋鈴療寒啐濁醑及下萬
丈強翻令魂魄喪狂奔無地底性命惴臨壙瀑濤倍
呼洶一鼓萬壑脹出麓陟仙樓回首意悵悵聯鑣驅
款段相視笑無恙入城拜下宮巍我宜灌鬣稽首神

聽壹敢祈福无妄旋紐糾屈鐵寄生虎挂褱唐槐壁
枝撐漢柏森骯髒

聖筆貌交柯神守敢窺掠巋然石幢古羸劉嗟莫訪
茲游藉賢主夙願快已償太守昌黎宗循吏江夏亢
贈我開元揚展讀倦僕快未闕鴛鴦趺難辨白羸葬
瞥眼多挂漏紀蹟徒冗長題名從伊川濟勝追家兄
久留羨巖棲過夫畏官謗憶昔祠祝融雲海覽激宕
行指仙霞峻且擊吳越榜舊游重涉獵浩歌助慨忼

披文挾幽潛銘心據直譴良無南山才聊取識遺忘

謁考亭

朱珪

夙興梁錦溪更出西門道滄洲望玲瓏柏葉紅未掃
西南謁考亭瞻拜仰崇櫟精舍緬竹林手植樹合抱
四賢儼配祀水日爭皜皜後堂拜葦齋重樓挹鮮灝
玉枕負竒峯翠屏面環島雙溪自西來曲注何浩浩
大賢終焉地名勝宜天造斯文在人心江嶺同不老
鰕生再入閩景行愜幽討庶幾勉忠信可以羞蘋藻

十月二十八日祀南海神廟日出紀事

朱珪

祝融帝衡嶽南海王德同孟冬秩禋祀厥惟旣濟功
我來封嶺疆壤奠敢不恭前期致齋沐棹舟溯清風
五漏謁廟陞鵷首星正中祝神捍民患盪滌魃魃兇
粵以雨爲雪施潤膏稔菰監我求瘼誠陰隲亮天工
禮成復端坐待旦晞曦東右上浴日亭鈞月宛仰盅
淺纈間淡碧綺霞漾青穹參魁朗相枕引手摩張弓

久遲虹散海沙嶼分迷濛幻景出洲西
吸縮真沖融橫陰貫離腹銜壁黃金釭
漸升大圓鏡四圍懸玲瓏蒼旻久未合
搖蕩方嵌空須臾光四射誰能睨重瞳
憶昔岱嶽頂觀日體不膏凹凸赤瓊瑰
嫋嫋未磋礪何當辨真象上與羲和通
旋艫聊紀述願言叩鴻濛

偶作二首

朱珪

從儉入奢易從奢反儉難所以察小物
刻意持其端涓涓流不絕泛溢橫波瀾
燄燄苟不息炎火燎原觀

物力實辛苦如何恣婪殘人生福有闕夸者決其闌
食前盈方丈果腹惟一餐萬屋美輪奐居者樂考槃
老氏有三寶可用銘鉛丹

富貴役羣動貧賤營一身衣食急生命哀此作苦人
智慧雖不足而未喪其淳漁樵相勞勸歌嘯各有因
咄哉隸也劣一飽忘艱辛酣豢借威福邪徑酖自親
此輩何足道取鑒衣冠倫

讀大學二首

朱珪

大學言明德知至兼知終格物有本末身爲萬物宗
意乃心之幾愼獨動靜同家道推薄厚絜矩天下公
上以敬天命下以揆民衷而尤辨義利以維仁道窮
綱目何井井條理此貫通知本者在茲何待補天工
不明何以誠不知何以行所以子朱子格物求其精
譬如較白黑不算負不贏譬如適東西不問路則有
務大非務細先後非畫程格致亦無量誠正亦無成
昔者吾子路聞行如交征意得可忘言朱王何用爭

吾師紫陽旨釋義非補經

三戒詩

朱珪

少時精未定見色迎雙眸戒之在剛克柔牽無綢繆
有如攬明鏡花月影不留我性空無住我情如雲浮
交光暫離合淡定化泡漚覓心不可得劍杳誰刻舟
旣壯氣方剛肝膽不可遏有物攫其中色變瞋已勃
是如風幡動心與相摩捽反鏡理是非人我誰分別
旁觀他人弈勝欣負亦悅不競道用緩浩氣養不屈

及老神何歸知巧得自喜夕陽與朝露
縹緲無時已
誰知道本無有名天地始氤氲更變化
嘖嘖多事矣
豈無無極翁反約納黍米三觀了無得
雲淨空不滓
老矣吾何求吉祥知止止

羅喉嶺

朱珪

上嶺復下嶺軒輊互突兀嶺脊旣律律
嶺底又滑漣
後行躡前跟并足交摩挲是日春晴暄
陰雨恐汨沒
我游何幸哉履險如康直午斜徑太平潭
柘忽朗豁

潭柘

朱珪

潭留柘已空寺古幽薊前開山肇先晉不數隋唐年
傳聞龍象力有龍雙蜿蜒移湫忽泉湧沃此菡萏田
山外不見寺到寺環九蓮九龍戲元珠寶珠峯中圓
東西兩冽泉交注禪房偏萬竿蒼翠竹琅琅流觴船
出門不見水潛伏萬畝阡我欲就問道貫頂歸虛淵

團河

朱珪

團河近黃邨鳳水繞而曲面勢開行宮泉源噴珠玉

我昔曾游觀仙境竊翠隴春陽正熙妍清華湛水木
六龍此

時巡蒐射雉兔鹿列幕環鉤陳星火晃燈燭風和吹
麴塵時雨冥霽霖小憩鄰我友緒語飽饅鬻詰朝有
敷奏夙興咫尺光昱綏歸北紅門遙望西山綠

至道

朱珪

至道本無知知者妙不言求知已非道多言胡能存
存存復得得杳冥恍惚門入門更窺奧下帶卽本根

吾無隱乎爾空空誰與論歸求有餘師各報罔極恩

疏花

朱珪

紅蓼與白蘋籜衍丹畦內根深葉易長旱地雨露遂
宗生紅藥間雜樹非其類不如移植之傍池浸其蒂
我畦旣疏達我池又映帶遷地各爲良蒲盧同施施
芙蓉六月葩蓼蘋交蔚薈宛如鏡中游風雲助搖曳
乃知裁成理扶疏妙工繪

聖人

朱珪

聖人體萬物欲淨乃見天不以矯自異委蛇蛻自蠲
食色人之性真空無始前損之又損之致一壹壹先
上報罔極恩下解萬動愆忠恕道一貫所性惟乾乾

黑龍潭

玉保

龍藏東海濱搶尾滄波起吐作山中雲吸盡天外水
我登畫眉嶺日暮煙光紫小憩古寺中澄潭浩瀾瀾
羅紋皎若練鏡面平如砥老槐雨氣屯頽岸奔石抵
上有千年藤蟠拏作連理倒影森之而羣魚皆披靡

破壁搜雲根飛空馭風駛鳥道迷重陰日腳撐短晷
神龍不可見幻形乃有此忽聞撥刺聲云是黑龍子
既殊北溟魚復異龍門鯉每當風雨時變化恣奇詭
不窺尺木姿詎擅雕龍技長歌謝葉公凡鱗安可擬

過朝鮮洞仙嶺

英和

但看松外山不見松下路曲曲穿松陰松枝許攀附
才與松根齊旋上松頂去松濤清可聞松風行可御
隨松爲低昂松把吟情助安得日倚松大領松間趣

同思萬松山撫松自朝暮對松復憶松淮南渺何處

明陵二十韻

英和

展謁一無慚我

朝得統正延陵急叩關拯救來請

命念彼存亡秋何忍蹈陷穽叱咤貔貅兵公車超十
乘所向等摧枯殲賊鼎乃定七恨泯然無示我顯德
行以禮葬其君侯封及異姓營造費帑金闕宮輝掩
映盼蠶春秋通樵采申嚴令以此待前朝前朝未聞

聽吾

皇孝不匱跬步遵

先聖紆道拜松楸三爵聊申敬分卿頒醴筵徧繞壽
山徑諸陵尙有知銜感應難罄吁嗟乎勝國後先不
相稱賢君祇數傳繼體乏善政內豎與權臣覬覦竊
朝柄人共推思陵其如昧賢佞九還丹縱成莫挽膏
肓病非關明業衰億載

皇圖盛

栽竹移菊後忽得時雨誌喜

夸岱

我慕高尚姿又取虛中節叢菊與修篁歸來洵可悅
當炎植淨根將毋愁內熱本搖末已隨色變傷澤竭
縱有漢陰機抱甕亦太拙正如強制功自與天然別
涼風吹雨來肌膚沁冰雪青展蔽窗陰翠起橫籬纈
隱逸兼此君大嚼何須說及茲殘暑茂想見高秋揭
悠悠培養心只爲歲寒設